



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 36. Theodosius Anti-Episcopus Jerosolymitanus.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

terius nunquam non vitam periculi ple-
nam duxit, ita ut toto ferme Pontifica-
tus sui tempore militum præsidio se tueri
neceffe habuerit.

Sæculum V.
A. C. 452.

§. XXXVI.

*Theodosius Anti-Episcopus Jeroso-
lymitanus.*

Palæstina quoque funesta dissensione
scindebatur. Stephanus, Episcopus
Iamniensis, & Joannes, Episcopus Sara-
cenorum, ambo S. Euthymii Discipuli,
Concilio Calcedonensi interfuerant; nam
Petro, Saracenorum Episcopo, vita fun-
cto, quia Successor ejus Auxolaus, Con-
ciliabulo Ephesino adfuerat, & adhæse-
rat Dioscoro, ipse quoque, a S. Euthymii
Gratia exclusus, e vivis decessit, & ele-
ctus est Joannes. Itaque soluto Conci-
lio Calcedonensi, Stephanus, & Joannes,
viam diligenter relegendes, quæ decreta
fuissent ad S. Euthymium referre festina-
runt, ne Viri Sancti indignationem, sicut
ante Auxolaus, incurrerent. S. Euthy-
mius, perlecta Fidei formula, in Concilio
confirmata, approbavit, eamque tanquam
Catholicam recepit.

vita S. Eu-
thymii. p. 54.

Ubi id vulgatum, jam omnes Palæsti-
næ Monachi Concilium Calcedonense re-
cepturi erant, nisi obstitisset Theodosius.
Monachus is erat, olim a suo Episcopo
flagitii admissi convictus, & suo Mona-
sterio

*Evagr. II.
hist. c. 5.
Cotel. Mon.
Gr. to. 1.
p. 415.*

Sæculum V. sterio ejectus. Alexandriam delatus,
A. C. 452. cum Dioscorum fuisset aggressus, camelo
 imponitur, Virgis cæditur, & per urbem
 circumducitur. Tum ad Concilium Cal-
 cedonense, ut pronum est conjicere, in
 Barsumæ comitatu se contulit, inde in
 Palæstinam celeriter reversus, cum aliis
 clamare; proditam fuisse a Patribus fi-
 dem! Epistolas quoque scripsit, in quibus
 dicebat, Concilium declarasse, duos esse
 Filios, duos Christos, & duas Personas
 adorandas, nempe, Hæresin Nestorii sua
 Auctoritate stabiliisse. Præterea adulte-
 ratam epistolæ S. Leonis ad Flavianum
 versionem vulgavit. His fraudibus mul-
 tos Monachos, aliosque homines simpli-
 ces seduxit, & ipsam quoque, malum!
 Imperatricem Eudociam, Theodosii Vi-
 duam, quæ Jerosolymam se receperat,
 & decipiente Chrysaphio semper in Eu-
 tychis errores propenso animo fuerat,
 ergo fæminæ Auctoritas plerosque Mo-
 nachos, & Majorem populi numerum in
 Theodosii Monachi partes pertraxit. Ju-
 venalem, Episcopum Jerosolymitanum,
 a Concilio redeuntem, adigere volue-
 runt, ut facta retractaret, & Doctrinæ
 Catholicæ, cui subscripserat, Anathema
 diceret; imo Sicarium immiserunt, qui
 Episcopum trucidaret, cumque huic sce-
 leri defuisset fortuna, latro, rabie in alium
 conversa, Severianum, Episcopum Scy-
 thopo-

Conc. Calc.
p. 3. c. 15.
p. 877.

Leo ep. 97.
al. 83.

Episcopus
Jerosolymi-
tanus.

thopolitanum, interfecit. Juvenalis Constantinopolim aufugit. Tunc vero Schismatici, in Ecclesia Resurrectionis collecti, Theodosium, Episcopum Jerosolymitanum, ordinarunt.

Theodosius Episcopus ad diversas Paestinae Civitates, praesertim ad illas, quod Episcopi e Concilio Calcedonensi necdum redierant, ordinavit, & diram in illos, qui ipsius Communionem amplecti nolebant, Jerosolyma persecutionem movit; hi flagellis cæsi, alii Bonis suis privati, aliorum domus incensæ. Apertis carceribus, sceleratorum fæx libertate donata, nobiles fæminæ male habitæ. Orthodoxi viva voce, & dato chirographo, Concilio Calcedonensi, & S. Leonis Papæ, Anathema dicere cogebantur. Diaconus, cui nomen Athanasius, quadam die Theodosium in medio Ecclesiæ, & throno Episcopali, sedentem increpans, dixit: *cessa Jesu Christo bellum inferre, & Gregem ipsius dispergere! agnosce tandem, quam sincero affectu verum Pastorem nostrum diligamus! peregrini vocem non audimus.* Ita loquentem Theodosii satellites extra Ecclesiam raptant, & diversis affectum suppliciiis, capite truncant. Occisi corpus, uno pede funi inserto, per totam Civitatem trahunt, & canibus devorandum projciunt. Hujus Diaconi Memoriam, tanquam Martyris, quinta Julii colit Ecclesia.

Sæculum V.
A. C. 452.

Niceph. XV.
c. 9.

To. 4. Cont.
p. 801.
p. 857.

Martyr. R.
5. Jul.

Doro.

Sæculum V.

A. C. 452.

Dorotheus, Palæstinæ Præses, inter has turbas, contra Barbaros in Regione Moabitarum arma movebat; comperto, quid interim Jerosolymæ actum, ocius cum delectis cohortibus, ut animos pacaret, advenit; at, qui partes Theodosii, & Eudociæ tuebantur, venientem, clausis portis, tamdiu excluderunt, donec promisisset, se schismati cum omnibus Monachis, & tota Civitate adhæsurum. His artibus Theodosius viginti Mensibus Sedem Jerosolymitanam tenuit.

§. XXXVII.

S. Euthymius Theodosio resistit.

vita S. Euthym. p. 56.

Theodosius, quis crederet, nulli industris pepercit, ut S. Euthymium sibi consentientem haberet. Cum primo virum Sanctum vocari jussisset, ille Jerosolymam ire renuit. Tum misit Theodosius duos Abbates, Elpidium, S. Passarionis Discipulum, & Successorem, & Gerontium, Monasterii S. Melaniæ Rectorem. Ad hos S. Euthymius: *Hoc Deus a me avertat, ut Theodosii vel criminis, vel erroris particeps fiam.* Elpidius, & Gerontius responderunt: *ergo nihil superest, quam ut Nestorii dogma recipimus, in Concilio Calcedonensi stabilitum, & dicamus, in Jesu Christo duas Naturas confiteri oportere?* S. Euthymius reposuit: *omnia Concilii Acta non legi,*
quar-